

ofus, quicumq; per legem justificabimini &c. Et hoc peculiariter observandum est contra Calvinianos, qui strenuè negant, Apostolum Petrum ter Christum negando unà fide excidisse: Itaque hic notandum, quod gravius quidem peccent ij, qui cum destinato animi proposito & consilio peccant, quàm qui ἐκ ἀσυνεχίας & præoccupatione. Interim tamen hi nullam excusationem merentur; sed æternâ poenâ & damnatione puniendi: Sunt tamen gradus peccatorum varii; inæqualia enim sunt peccata, æstimatur autem peccatorum inæqualitas (1.) Ex objectorum Diversitate; gravius enim peccant ij, qui in Deum, quàm qui in hominem delinqvunt 1. Sam. 2. *Servus in virum peccaverit, exorari potest, sed servus Deum &c.* Sic etiam gravius peccant ij, qui in Magistratum contumelias evomunt, quàm qui privatum injuriâ afficiunt. (2.) Ex diversis causis è quibus peccata fiunt, sic V. G. gravius peccant ij, qui scientes & volentes, quàm qui per errorem & per ignorantiam peccatum aliquod designant, quod prob. Heb. 10. *Nam gravius peccant illi &c.* Sic Paulus 1. Tim. 1. 18. *Hoc præceptum commendo tibi fili Timothee, juxta Prophetias quæ de te processerunt, ut milites in eis bonam militiam.* Sic milites crucifigentes Christum Luc. 23. (3.) Ex personis à quibus fiunt. Sic v. g. Gravius est peccatum, quod committitur à fidei & illuminato, quàm quod committitur ab infidei, qui ad societatem fidei & participationem gratiæ & renascentiæ nondum pervenerat, id quod probo Joh. 15. Non negamus absolute illos non habere peccatum; sed quod peccatum tantum non habeant, ac fideles, & huc illud Luc. 12. 47. *Servus ille, qui cognovit voluntatem Domini sui, & non facit secundum eam, vapulabit multis.*

Q. XV. Ex v. 7. *Quod si in luce ambulamus &c. & sanguis Jesu Christi Filij Dei emundat nos ab omni peccato.* In hoc egregio Aphorismo Apostolico quinque veniunt consideranda: (1.) Causa emundationis & purgationis meritoria, quæ notatur nomine Jesu Christi Filij Dei; ipse enim Jesus Christus Filius Dei mundat nos ab omnibus peccatis, est enim ipse *Mediator noster inter Deum & homines* 1. Tim. 2. Ἀποπέλασμα enim sunt opera utriusq; naturæ; sed mediatio est ὁμοτιμία. E. (2.) Medium purgationis quod est sanguis Jesu Christi; præterit enim, quo nos redemit, geminum est, (a) sanguis, ut hoc in loco & 1. Pet. 1. (b) Anima Christi Joh. 10. ubi Christus ipse ait: *Ego pono animam meam pro omni* Matth. 18. *Filius Dei venit ministrare & non*